



3. januar 2011

Inatsisartut Suleriaasianni § 37 naapertorlugu Naalakkersuisunut apeqqut imaattoq matumuuna saqqummiuppara:

**Naalakkersuisunut apeqqut:**

- 1. Naalakkersuisut inussiarnersumik qinnuigissuakka nassuiaateqarfigeqqullugu, uranisionermi peqqissutsimut pinngortitamullu sunniutissat pillugit misissuineq sumut killinnersoq?**
- 2. Aamma Naalakkersuisut qinnuigissuakka piviusumik oqariartoqqullugit, qaqagu misissuineq qulaani eqqartorneqartoq Inatsisartunut inunnullu tamanut saqqummiunnissaa naatsorsuutigineqassanersoq?**

(Inatsisartuni ilaasortaq Niels Thomsen, Demokraatit)

**Tunngavilersuut:**

Uannut pingaaruteqarpoq ersarissassallugu, Demokraatit uranisiorsinnaanissamut isumaat allanngorsimannngimmat. Isumaqartuaannarnikuuvugut pinngortitamut peqqissutsimullu innimiginninneq salliusoq. Aammali isumaqartuaannarnikuuvugut, suliamut ilisimasalinniit ersarissarneqarpat, pinngortitamut peqqissutsimullu uranisioneq illersorsinnaasoq, taava aallartittoqartariaqartoq, taamaasiornikkut inuiaqatigiit tamarmiusut uranisionermi isertinneqarumaartussat iluaqutiginerussammatigit.

Demokraatit Inatsisartuni amerlanerussuteqarluartut assigalugit Qoornoq-mi isumaqatigiissut tapersorsorpaat. Isumaqatigiissutip taassuma naattumik oqaatigalugu siunertarivaa, uranisionissamut naaggaarlunnarnerup attackallarnissaa. Kisiannili aamma erserpoq, aatsitassanut inatsit qinigaaffiup iluani nalilersoqqinneqassasoq, tamatumanilu avatagiisinut peqqissutsimullu sunniutissat uranisionissamut naaggaarlunnarnerup atorunnaarsinnerani misissorneqassallutik.

Misissuinerup taassumap qulakkiissuaa, siunissami uranisiortoqassappat tamanna peqqissutsimut pinngortitamullu illersorsinnaasumik tunngaveqarluni ingerlanneqassasoq. Tamanna tassaavoq



**DEMOKRAATIT**  
DEMOKRATERNE

tungaviusoq paasinnikkusunninnut , Naalakkersuisut misissuinerminni sumut killissimaneran-  
nit.

Apeqqutit akeqquneqarput ullut suliffiit naliginnaasut qulit iluanni.